

四庫全書

經部

欽定四庫全書

經部

春秋平義卷五

詳校官監察御史_臣陳化龍

給事中_臣溫常綬覆勘

總校官原任中允_臣王燕緒

校對官中書_臣葉蘭

謄錄舉人_臣張護

欽定四庫全書

春秋平義卷五

秀水俞汝言撰

僖公

名申莊公子閔公庶兄母成風夫人聲姜在位三十三年諡法小心忌畏曰僖

元年春王正月

齊師宋師曹師次于鼻北救邢

邢地左作曹伯

次于鼻者為之聲援蓋救邢也

崔氏

救兵譏次次緩也

失救道也然救而次不同於次而救者次而救者

或觀釁而動乎

孔義

夏六月邢遷于夷儀

邢地公作陳儀

諸侯救邢邢人潰出奔師師遂逐狄人具邢器具而

遷之師無私焉

左

遷邢未若邢遷為近自然也邢潰

奔于師而城夷儀衛人宵濟河廬于漕而城楚丘遷

者其誰耶夫使人遷之如其自遷善矣

野編

齊師宋師曹師城邢

遷而後城之則邢也不容復稱夷儀

野編

秋七月夫人姜氏薨于夷齊人以歸

夷齊地

夫人薨不地地故也桓公召而殺之也以歸歸齊也

孔此舉殊快不如是閔之罪人終不可得左氏曰齊

人殺哀姜為已甚矣女子從人者也不知左氏之所

謂從人竟從誰也

野編

楚人伐鄭

成

荆改而楚矣

野編

從其自稱也

孔義

按史記武王即位結

舊好于諸侯使人獻天子天子賜胙曰鎮爾南方夷

越之亂無侵中國楚自此始為列國與周室通矣春

秋所以改稱楚也

統紀

八月公會齊侯宋公鄭伯邾人于櫓

宋地公作打左作櫓衣裳之會六

左氏曰謀救鄭也當是時楚兵已退鄭已在會矣蓋

謀伐楚也

孔義

鄭甸服也密近京師勤鄭為周非為鄭

也

野編

九月公敗邾師于偃

邾地公作纓

邾本附庸于魯不敢外交諸侯雖邾子瑱受王命其幽之再盟亦不敢與蓋猶附于魯地今櫓之會邾人

始與其列故八月同會而九月伐之責其從齊而不

復附魯爾

木訥

冬十月壬午公子友帥師敗莒師于郚獲莒棼

郚公羊作棼殺

梁作麗魯地書獲之始

莒納慶父又以求賂不遂而加兵魯則成季帥師敗

之亦以雪先君之恥胡傳以友主此戰而責之不然

也

春秋翼

二國納我罪人取敗宜已

野編

不以賊討慶父

者體季子親親之心必以郚敗莒之慶父者著季子

誅亂之義

辨義

十有二月丁巳夫人氏之喪至自齊

二年春王正月城楚丘

武城

城而後遷之猶楚丘也不容遽稱衛或謂諱齊桓專

封而脩責之非也猶康叔之舊封也何專之有哉

野編

夏六月辛巳葬我小君哀姜

成其葬者喪既歸子無詘母之義也

孔義

虞師晉師滅下陽

公穀作夏陽

虞師為啓固當首兵邑也何遽言滅盖曰晉已得號

矣左傳先書虞賄故也

野編

林氏曰不曰晉取者天子

之地非諸侯所得取故云滅若國然

屬辭

秋九月齊侯宋公江人黃人盟于貫

宋地公作貫澤衣裳之會不在九會

之數

江黃在楚東北境江黃服則楚勢孤矣惟宋與盟不

煩諸侯也

孔義

冬十月不雨

楚人侵鄭

時子文為令尹楚勢驕強

補程傳

三年春王正月不雨夏四月不雨

不雨者勤雨也一時言不雨者閔雨也閔雨者有志

乎民者也

穀梁

徐人取舒

舒楚黨也取舒所以撓楚也徐吾與也

野編

為齊桓通

伐楚之徑也

補程傳

六月雨

喜雨也一經書雨此為特筆

孔義

秋齊侯宋公江人黃人會于陽穀

齊地

謀伐楚也

左

以夷攻夷所以為援也徐人用以取舒

江人黃人用以伐陳

野編

冬公子友如齊涖盟

穀作公子季友涖公穀作蒞

聽伐楚之期也

木訥

楚人伐鄭

至是楚人五加兵于鄭矣

孔義

四年春王正月公會齊侯宋公陳侯衛侯鄭伯許男曹

伯侵蔡蔡潰遂伐楚次于陘

楚地

本謀楚也曷為先蔡凡所與楚爭者陳蔡鄭也鄭方
受兵而蔡先即楚則侵之因彼奔告代我傳檄所以
為聲也可頌言伐楚矣夫責人者使可承也厥貢惟
金而徵包茅用重而物薄也厥罪僭號而問昭王之
不復事大而時遠也非敬仲不能為此辭也楚人半

推半承殆將服矣次于陘師進也

野編

齊桓圖伯二十

餘年至是始有事於楚猶未敢聲言伐之也以侵蔡召諸侯借侵蔡以出楚不意此威公之謀也

戴溪

趙鵬飛曰蔡自莊十四年荆入蔡哀侯折而事楚已易世不通中國今二十四年矣蔡已入楚則次及于鄭蔡鄭當楚之衝華夷之門戶也齊侯不得蔡無以伐楚侵蔡伐楚勢當然矣

木訥

夏許男新臣卒

穆公卒子僖公業立

脫于師字下有盟于師知為脫也

野編

楚屈完來盟于師盟于召陵

來盟于師完之意也盟于召陵桓之意也蓋先請為

盟而後齊始退師盟于召陵耳

孔義

齊師雖強桓公能

以律用之而不暴楚人已服桓公能以禮下之而不

驕故召陵之盟春秋所美也

胡氏

齊人執陳轅濤塗

轅公穀作素

伯討也濤塗誤師

野編

秋及江人黃人伐陳

孰及之齊人也不言遂踰時也

野編

八月公至自伐楚

大伐楚也

穀梁

莖許穆公

公作繆

冬十有二月公孫茲帥師會齊人宋人衛人鄭人許人

曹人侵陳

茲叔牙子公作慈伯國大夫會諸大夫侵與國始此

本伐楚也曷又移陳陳蔡鄭偪楚常懷兩端徑陳陳

不果納其心未可知舍之教貳執之又當歸之取成
于陳而歸轅塗薄伐楚而深望陳所以為寔也此帖

荆終局也

野編

五年春晉侯殺其世子申生

目晉侯斥殺惡獻公也

杞伯姬來朝其子

伯姬歸寧因見其子於公時年十歲是年德公卒所
朝之子立是為成公蓋是時德公病欲托其子于魯

然非禮矣

孔義

夏公孫茲如牟

凡大夫聘他國曰如

孔義

姜廷善曰牟自來朝後屬魯

時齊桓事從簡便不令小國與會而貢賦則助大國

供事魯人以從齊征伐會盟之故使茲如牟取貢賦

之助主所知也左氏謂茲以私娶行恐非

辨義

公及齊侯宋公陳侯衛侯鄭伯許男曹伯會王世子于

首止

公穀作首戴衛地衣裳之會七

會王世子所以尊王也

野編

王世子危不得立齊桓公

率天下之諸侯而為會以定之禮之變者也殊會世

子而不以世子夷于諸侯所以定世子也

陳氏後傳

秋八月諸侯盟于首止

前此未有會王世子者齊桓創為之知有羽翼之事
是時王欲以寵子帶易世子鄭非口舌所能爭也因
會致敬不言而示所以為妙會在夏盟在秋各為一
事後儒不知謂會是定世子盟是相要同戴世子處

人父子兄弟正未易言尚未夢見齊桓況可與于春

秋之微哉

野編

陳氏傳會有周人盟無周人書會于某

但曰諸侯盟則齊桓之孫也會有周人盟于周人書

會于某但曰某日盟則晉厲之仇也

辨義

鄭伯逃歸不盟

凡桓之盟皆為周也鄭常顧楚是以善逃臣逃于幽

君逃于首止

野編

逃盟于王世子無損然鄭貳楚生心

即滅弦楚敵背召陵之盟者鄭伯致之也

傳斷

楚人滅弦弦子奔黃

狄始滅中國

凡書楚人滅國皆言楚張也夷夏宜分併則中國憂

矣

野編

黃弦同壤而受弦子之奔楚之滅黃亦自此始

張洽

九月戊申朔日有食之

冬晉人執虞公

不言晉之滅虞虞自滅也秦之取梁也書曰梁亡而不及秦以為梁自亡也晉之滅虞也書曰晉人執虞

公而不言晉人伐虞以為虞自滅而晉人執其君耳

蘇氏

熊氏曰滅下陽晉據而有之者也虢公醜奔京師

未嘗執也故書地其重在地也虞滅而修其職貢于王謂輸其甸服之貢則虞公猶存于國置之而不得他去其事與下陽異而執天子三公重在人也

辨義

六年春王正月

夏公會齊侯衛侯曹伯伐鄭圍新城

治首止之逃也圍新城而不下夫爭城以戰多殺士

卒桓有教士三萬不與鄭爭新城諸葛有整卒十萬
不與魏爭陳倉其斯以為節制之兵與野編新城鄭人

新築密邑

左疏

楚人圍許諸侯遂救許

楚人圍許以救鄭經不書不與楚人救鄭也

孔義黃正

憲曰救稍緩則楚必入許將據其要害與鄭同為犄
角以制我矣故遂釋圍以救之如前緩于救衛而急
于救邢皆伯主權時應變之衡耳

辨義

冬公至自伐鄭

不以救許致師以伐鄭出也

孔義

七年春齊人伐鄭

鄭未服故復伐齊力足以制之不煩諸侯也

補程傳

夏小邾子來朝

公作小邾妻子

即卿黎來也齊桓公請于天子進之邾之別封故曰

小邾始得王命而來朝也

孔義

鄭殺其大夫申侯

申侯自楚往也實通楚師鄭殺申侯乞盟之漸也

野編

秋七月公會齊侯宋公陳世子款鄭世子華盟于甯母

魯地穀作寧母

衣裳之會八

因管仲之言不受鄭世子為內臣之請見救正之功

大也

補程傳

曹伯班卒

班公穀作般昭公卒子共公襄立

公子友如齊

冬葬曹昭公

八年春王正月公會王人齊侯宋公衛侯許男曹伯陳世子款盟于洮鄭伯乞盟

公陳世子款下有鄭世子華洮曹地兵車之會一

惠王崩襄王懼太叔之難不發喪而告難于齊於是

有洮之盟王人下士也而先諸侯貴王命也

孔義鄭伯

初迎惠王之意則背首止既知襄王將立則請盟洮

前書逃後書乞皆賤之也

傳斷

夏狄伐晉

前狄伐邢齊救而城之狄入衛齊徙而封之今狄伐

晉齊桓如不聞蓋自齊之伯晉歷三世未嘗一窺齊

侯之壇坫齊不伐晉幸也何狄之問

趙氏

秋七月禘于太廟用致夫人

何以謂之致也不廟見何名夫人惟廟中獻禮夫人

與焉則因禘而致之爾致之斯夫人之矣

野編

言夫人

不以姓氏非夫人也立妾之辭也非正也夫人之我可以不夫人之乎夫人卒塋之我可以不卒塋之乎

穀梁聲姜也公羊云以妾為妻蓋脅于妾媵之先至者

也然則安知其非成風也成風後此尚三十年君薨
母不入廟無所致之然則何以知其為聲姜也曰致
之又明年公及夫人姜氏會齊侯于陽穀則是聲姜
也黃道周致者三月廟見以禮成婦之名季孫行父如
宋致女即其事也夫人者聲姜也聲姜在春秋中獨
為保其完吉者其失禮在事而不在夫人也新義
冬十有二月丁未天王崩

左氏云七年閏月惠王崩襄王惡太叔之亂不發喪

而告難于齊八年正月會于洮謀王室也襄王定位而後發喪據此則正月二月位已定何至十二月而後告喪于諸侯乎左氏殆不足憑也吳氏謂惠王前年冬有疾而今年冬乃崩者近之趙氏

九年春王正月丁丑宋公御說卒

正月公穀作三月御公穀作禦桓公卒子

襄公茲

父立

不葬魯不會也趙氏曰迫于葵丘之會也

孔義或以襄

公在喪與會簡父葬禮不及致諸侯也

補程傳

夏公會宰周公齊侯宋子衛侯鄭伯許男曹伯于葵丘

齊地衣裳

之會九

曰宰周公者以冢宰兼三公也襄王之位桓公所定也故使宰孔來錫命焉桓公合諸侯而為會所以重

王命也

孔義

陳傅良曰桓之會有天子之三於洮序王人於諸侯之上而同盟焉於葵丘亦序周公於諸侯之上而不敢同盟焉盟于首止不但不同盟而帥諸侯以會世

子桓知節矣春秋是以予桓也

秋七月乙酉伯姬卒

內女為夫人書卒許嫁為夫人亦然

氏

九月戊辰諸侯盟于葵丘

言諸侯盟則不盟宰周公矣不敢使天子宰受諸侯
約束也會盟同地而再言之葵丘之盟美之大者也
孔義葵丘五命伯仲誥誓天子之禁也故曰五霸桓公
為盛會者七人叛者安得九國王充儒增之篇誠非

論也

野編

甲子晉侯嬴諸卒

公作甲戌嬴公穀作詭獻公卒子奚齊立遇殺弟卓子立

前已書戊辰不應書甲子在戊辰後合從公羊

張洽

晉里克殺其君之子奚齊

殺公作弑

言君則當國言子則當喪其君之子淺辭也誰非君

之子

野編

其君之子云者國人不子也不正其殺世子申

生而立之也

穀梁

十年春王正月公如齊

朝齊之始

公始朝齊也

孔義

狄滅溫溫子奔衛

天王出居之漸也王惡溫子而安狄人不告于齊遂

為晉文開霸之資

野編

熊過氏曰溫子爵國鄭漁仲曰

已姓顓頊裔孫封于蘇鄴西蘇城是也今臨漳西二

十里地近衛南東界于狄狄利其近已故滅之地遂

入狄圻內別有溫司寇蘇忿生食邑在今懷慶府南

與鄴西之溫不同左氏誤以為一文十年魯及蘇子

盟于女栗其國尚存則謂襄王勞文公而賜之溫近

于誣矣夫溫子蘇子豈可附會而無別哉

辨義

晉里克弑其君卓及其大夫荀息

卓公作卓子惠公夷吾立

殺奚齊書殺其君之子者獻公未葬奚齊未成君也

殺卓書弑其君者獻公既葬卓免喪稱君也

傳斷

里克君之也書及所以明其節書大夫不失其官於息奚

取焉公羊曰若息者可謂不食其言矣

胡傳

夏齊侯許男伐北戎

晉殺其大夫里克

里克弑二君一大夫不以討賊之詞書者殺之不以罪也里克所為弑者為重耳也夷吾曰是又將殺我乎故殺之而非討其弑也不以弑君之罪討之故書

殺其大夫

孔義

秋七月

冬大雨雪

公作電

酉戌亥月非大雨雪之時也故尤為異

高閔

十有一年春晉殺其大夫不鄭父

惠公以私意殺里克故其黨皆懼鄭之有此謀由殺

里克致之也故稱國以殺而不去其官

野編

里不世子

黨也呂卻夷吾黨也春秋書里不不書呂卻

補程傳

夏公及夫人姜氏會齊侯于陽穀

聲姜

夫人齊侯子也明年會于卞

野編

秋八月太雩

冬楚人伐黃

病桓公也黃既服齊不供楚貢故楚伐之而齊不救

負黃甚矣

孔義

十有二年春王三月庚午日有食之

推歷當為五月庚午朔關朔字

夏楚人滅黃

甚楚也

野編

秋七月

冬十有二月丁丑陳侯杵臼卒

杵公羊作處宣公辛子穆公歎立

十有三年春秋侵衛

黃正憲曰狄在北境其東則入齊之衝東南則入宋
衛之道西南則入陳鄭之道自緣陵暨城衛少狄患
亦非無益之舉然不越三時而由西道以侵衛齊竟
坐視不救乃知城緣陵之役桓公實為已謀耳

辨義

夏四月葬陳宣公

公會齊侯宋公衛侯鄭伯許男曹伯于鹹

衛地兵車之會二

淮夷病杞故

左

鹹為衛地在今開州距杞三百餘里

會于鹹者謀杞也夫淮夷在南與王室遠不相涉或

者狄勢方橫欲南會淮夷以困中國故為此會以謀之歟觀淮夷越宋而病杞明年狄越衛而伐鄭鄭與杞近蓋駸駸有相合之勢也城緣陵之謀自此起矣

畧記

秋九月大雩

冬公子友如齊

十年春正月公如齊說者曰魯始朝齊也十三年冬

公子友如齊則大夫聘問之常矣

傳斷

十有四年春諸侯城緣陵

杞邑濰州營邱

城而後遷之猶緣陵也不容遽稱杞城楚丘何以不書諸侯城緣陵何以書諸侯城楚丘不書諸侯封衛者齊非諸侯也城緣陵書諸侯會于鹹之諸侯也

野編

詹菜曰會鹹謀衛也城緣陵固衛也以楚丘之城不足禦狄故復城其塞邑以藩之也不繫之衛者為天下禦狄也或謂為淮夷病杞故而遷之非也

辨義

夏六月季姬及鄫子遇于防使鄫子來朝

鄫穀作繒

朝不言使曹伯使射姑子制命于父猶可也季姬使鄆子夫制命于婦無時而可鄆子者用于次睢之社

者也

野編

秋八月辛卯沙鹿崩

晉山

異在一國而大者為天下記之

野編

狄侵鄭

冬蔡侯貜卒

穆侯卒子莊公甲午立

十有五年春王正月公如齊

昭三年子太叔曰文襄之伯其務不煩諸侯今三歲而聘五歲而朝有事而會不協而盟今按公十年如齊此又如齊用五年一朝同于事天子之禮矣

孔義

楚人伐徐

徐即諸夏故

左

三月公會齊侯宋公陳侯衛侯鄭伯許男曹伯盟于牡

丘遂次于匡

衛地兵車之會三

公孫敖帥師及諸侯之大夫救徐

帥公作率
慶父之子

大夫往救君次而待之楚人輕剽不與爭也

野編

夏五月日有食之

推歷當為四月癸丑朔閏癸丑朔字

秋七月齊師曹師伐厲

厲楚黨也伐厲所以撓楚也攻其所與即楚犯中原

亦只伐鄭圍許

野編

八月螽

公作螽

九月公至自會

魯侯凡再朝桓公而不書至蓋為伯主者必若桓而

後可當諸侯之朝為諸侯者必善事齊桓而後得朝

伯主之禮故特書至自會以別之

屬辭

季姬歸于鄆

己卯晦震夷伯之廟

異在一家而大者為國記之日事遇朔曰朔戊申朔

隕石於宋己巳朔戰于泓是也遇晦曰晦己卯晦震

夷伯之廟甲午晦戰于鄆陵是也二傳以為書晦

野編

冬宋人伐曹

同盟始自相攻而桓不能禁矣宋曹之爭始此其後

曹卒亡于宋

孔義

諸侯相加兵自莊公十九年來未之

有也於是再見宋襄為之也

木訥

楚人敗徐于婁林

徐地

徐恃救而敗伐厲之謀無補

孔義

十有一月壬戌晉侯及秦伯戰于韓獲晉侯

秦始見經韓晉地秦

晉兵端之始秦晉之兵始于韓而終于十三國之伐

秦伯伐晉而經不書伐專罪晉也獲晉侯以歸而經

不書歸免秦伯也君獲不言師敗績君重于師也

孔義

敗而書及惡之也

野編

十有六年春王正月戊申朔隕石于宋五是月六鷁退

飛過宋都

隕公作實鷁穀作鷁

物之遠者惟星言隕星未若言隕石手可得而捫也
微者惟風言異風未若言受風之鷁目可得而察也
星隕而石貴化為賤不善化為鷁飛而退前變為
却不善變者也

野編

不言石隕于宋而曰隕石天應之

也

伊川

三月壬申公子季友卒

成季自是季氏世為卿

大夫卒而書名曷為書字世卿也

孔義

季友猶仲遂也

皆有援立功僖何以興般閔弑宣何以立惡視廢

野編

夏四月丙申鄆季姬卒

秋七月甲子公孫茲卒

茲公作慈戴伯其後為叔孫氏

冬十有二月公會齊侯宋公陳侯衛侯鄭伯許男邢侯

曹伯于淮

兵車之會四

淮夷病鄩謀城鄩也不果城而還

義孔

王樵曰或者謂

合南北之成自向戌始而不知此會已為之權輿矣

辨義

熊過曰淮今泗州盱眙淮水所經處古臨淮也鄩

今沂州去年楚人敗徐婁林泗州近古徐州故今為

齊謀楚以會其地徐子雖未會明年與徐伐英氏則

茲會之以也

辨義

十有七年春齊人徐人伐英氏

英氏楚之屬也齊人為徐伐之以報婁林之役

蘇氏

夏滅項

孰滅之齊人也不言遂踰時也

野編

英項皆楚與國齊

桓伐英滅項以報婁林之役承上文故不再舉齊也
與四年及江黃伐陳同先儒以項為魯滅僖公在會
季孫所為者非也夫季孫行父當祖友卒其父無佚
蚤亡時尚稚年終僖公朝未專國政焉得擅為此事

乎

西亭
辨疑

秋夫人姜氏會齊侯于卞

魯地

九月公至自會

冬十有二月乙亥齊侯小白卒

桓公卒國亂
明年卒公立

淮徐地接會于淮謀徐也踰月伐英氏踰時滅項皆
楚黨也可以報婁林之敗矣師還過我夫人出會之
九月公至自會淮之會也而桓亦告終矣

鹹之會下有城緣陵知是謀杞也淮之會下有伐英
氏知是謀徐也左氏曰謀鄫也役夫夜呼中作罷歸
便是淮事未了又楚有英氏項氏以地為姓蓋併于

楚者也與魯絕遠左氏謂魯人滅項齊人止魯侯皆不取也

起北杏迄淮三十有九年此齊桓公之伯也

野編

十有八年春王正月宋公曹伯衛人邾人伐齊

公羊宋公下有

會字

納孝公也不言納與入孝公齊之世子也言納與入

嫌於不當立也

蘇氏

子昭正乎曰正桓方圖伯管仲為

輔葵丘初命凜然若非義嗣未應君臣俱失以此知

其正也桓晚年更屬意無虧矣曰昭已為太子公雖
意移未能廢也無虧求為太子公雖心許未能立也且
事發于雍姬其為奪正明矣宋可以伐之與曰可如
伐喪何曰伐亂也非伐喪也孝公得國于四公子之手
而說春秋者必以為罪又累納孝公之宋與同伐齊
之衛則吾不知也

野編

夏師救齊

五月戊寅宋師及齊師戰于甌齊師敗績

齊地

勝而書及予之也。甌之戰，襄所僅有。公羊子曰：曷為不使齊主之？予：襄公之征齊也，桓公死，監刁易牙爭權，不葬，世有辨者，不能謂監刁易牙善也。

野編

秋救齊

秋八月丁亥葬齊桓公

九月而葬

冬邢人狄人伐衛

狄始書人

十有九年春王三月宋人執滕子嬰齊

夏六月宋公曹人邾人盟于曹南

公作宋人

鄆子會盟于邾已酉邾人執鄆子用之

會盟後會也

孔義

總曹南之會前乎會者執滕子後也

會者執鄆子所謂一會虐二國之君也宋書公諸侯書人屬辭絕類北杏何也襄自為太子已能讓國稱譽甚美故桓公管仲屬孝公焉蓋明以此座付之惜也曹南以後無一事不錯春秋于鹿上始人之曰今而後知宋之不遂伯也

野編

秋宋人圍曹

曹為宋共起事即有同異猶宜隱之而造次稱兵示

人淺也

野編

衛人伐邢

報菟園之役也

孔義

冬會陳人蔡人楚人鄭人盟于齊

公作公會楚始與夏盟

楚人得與中國會盟自此始首陳陳倡盟也後鄭鄭首叛也以其人楚不可不人陳蔡以其人陳蔡不可不沒公地以齊則君亦與矣

孔義

按宋公暴虐陳穆公

請修好馬以無忘齊桓之德桓公攘楚而反與之盟
是為不忘桓公之德者乎楚之抗衡中夏禍實始此
梁亡

言其自亡非秦亡之也

蘇氏

三十年新作南門

非所當作而作也故當作者閔宮泮水之役皆不書

孔義

夏部子來朝

姬姓

南部也郛有二桓二年取郛大鼎者北郛也

傳斷

五月乙巳西宮災

小寢也

公羊

鄭人入滑

姬姓

滑與鄭隣桓公死鄭首從楚稱兵周疆

孔義

秋齊人狄人盟于邢

於衛方病邢謀衛難也

孔義

齊孝之無知厥父攘夷厥

子盟楚于國厥父攘狄厥子盟狄于邢齊人狄人復

何辨

傳

冬楚人伐隨

姬姓

二十有一年春秋侵衛

為邢故襄陵許氏曰中國無伯則諸侯力攻四夷衡
決民被其災此書伐衛伐邢入滑伐隨侵衛者著無

伯之患也

孔義

宋人齊人楚人盟于鹿上

此求諸侯于楚無緣得有齊人于齊之盟諸侯盡在

齊故因齊人以請也然則宋楚合矣何以伯為曰亦
欲服楚爾宋公志大才疎謂吾有求于楚不容不應
若得諸侯而為會以好往度亦無他則吾已折服楚
矣因東鄉而臨魯衛曹滕邾鄆亦如之則吾伯事已
成此鹿上之志也野編高忠憲曰齊桓攘楚以安中國
宋公盟楚以求諸侯人楚故人宋也辨義

夏大旱

秋宋公楚子陳侯蔡侯鄭伯許男曹伯會于孟執宋公

以伐宋

孟宋地公作霍穀作
雩或作宇楚始稱子

執宋公者楚子也何以不言楚子執之分惡于諸侯也夫盟主所以合天下之諸侯攘戎狄尊王室者也

宋公欲繼齊桓而與楚盟會豈尊攘之義歟

胡傳

召陵

之役致江黃以撓楚者宋也僖二年齊宋江黃盟于貫三年齊宋江黃會于陽穀則楚之銜宋久矣十二年楚人滅黃豈遂忘宋乎十七年齊桓公死宋襄公不量力而欲為桓之事牛耳未執身先為虜故書其

事以為伯者之戒

郝解

夫吳楚僭王久矣而春秋不道

也其恒稱不過曰吳曰荆曰吳人楚人而已柏舉之
勝蔡侯進之黃池之會魯晉進之此吳之所以始稱
子也孟之張五國進之厥貉之會四國進之此楚之所
以始稱子也故吳楚一也彼以蠻夷之禮接之我則書
之為蠻夷稱荆稱吳者是也彼以從諸侯之禮接之我
則書之為從諸侯稱楚人吳人者是也彼以大國之禮接
之我則書之為大國稱楚子吳子者是也實錄而已

統紀

楚人使宜申來獻捷

楚大夫
始見經

不書宋捷削也此非戎捷所不忍聞

野編

十有二月癸丑公會諸侯于薄釋宋公

宋地

諸侯執之諸侯釋之何也曰司馬歸矣設守械以守國矣雖殺宋公猶不得宋國釋之為楚非為宋也執

之罪也釋之亦罪也

野編

二十有二年春伐邾取須句

公作
胸

直取邑爾

野編

夏宋公衛侯許男滕子伐鄭

怒鄭之與楚也

孔義

秋八月丁未及邾人戰于升陘

魯地

記曰邾婁人復之以矢自戰于升陘始蓋惡戰也公

胄縣諸魚門不書公削也不言敗績互有勝負

野編

冬十有一月己巳朔宋公及楚人戰于泓宋師敗績

宋公被執見釋而猶爭諸侯楚以戎狄而干諸夏故泓

之戰雖曲在宋而春秋辭無所予

蘇氏

二十有三年春齊侯伐宋圍緡

穀作閔
宋邑

齊孝公宋襄所立也又有鹿上之盟今乘其敗楚而伐之且會孟不至盟薄不與不仇猾夏之楚而仇立已之宋不伐宋于爭盟之時而伐宋于敗泓之後春秋所以圍伐並書重絕其惡也

傳斷

夏五月庚寅宋公茲父卒

茲公作慈襄公卒
子成公王臣立

宋襄不葬秦繆不卒春秋不成之為伯也或曰不葬不往會也不卒不來赴也春秋葬陳哀公楚已滅陳

往會乎來赴乎

野編

秋楚人伐陳

伐陳以城頓也陳頓之爭始此

孔義

冬十有一月杞子卒

成公卒弟桓公姑容立

襄二十九年晉女叔侯曰杞夏肆也而即東夷時王
貶之殆以此耳杞桓公之來朝于僖二十七年稱子
于文十二年則稱伯杞文公會盟于襄二十四年尚
稱伯二十九年即稱子至昭六年卒復稱伯左氏以

為杞用夷禮故曰子豈文公之身忽夷忽夏乎大抵
杞為先代之後天子所備三恪者故再降而再復其
他則降而不復也

畧記

二十有四年春王正月

夏狄伐鄭

夫伐鄭者伐周之形也可言伐鄭不可言伐周溫在
河之陽南望玉門即鄭虎牢也西望雒汭即周也故
溫之有狄周鄭之患也

野編

秋七月

冬天王出居于鄭

何以書遜狄也何以居于鄭與同患也天王居翟泉
不言出翟泉近而鄭遠也何時出冬也何時歸盟于
踐土猶鄭地也有王所焉久于鄭中國無伯也狩于
河陽去雒城百里即周京矣歸當在此時此出居始
末也春秋之文如斷山複嶺氣脉遥接盖天王出居
于鄭下接踐土而河陽之會上接狄滅溫中雖有間

事累累可辨非盡棄其學不能知也

野編

帶之亂衛士

將禦之王曰先后其謂我何故出居鄭三傳曰天子無出又曰王者無外夫一視同仁王者之心此所謂無外也豈謂王者一出而遂有外乎聖人書天王出居于鄭志天王出而天下無勤王者非謂王不可出而出也

木訥

簡端錄惠王無出無入天子之位不使鄭與焉爾也襄王有出無入天子之位不使晉與焉爾也敬王有

居無立天子之位亦不使劉單與焉爾也

晉侯夷吾卒

惠公

惠公卒于去年九月晉文定位而後告喪故書於今

年

孔義

是歲秦納晉公子重耳不書不予繆之伯也文

之得國從容不如蔡季不可言歸匆遽不如齊小白

不可言入當書秦人納重耳于晉如齊人納捷菑于

邾則伯在秦矣左氏叙公子重耳所過衛曹鄭皆不

禮焉齊桓宋襄則禮之楚子享之對以治兵中原辟

君三舍若前知城濮事者其後侵曹伐衛解宋免齊
辟楚大類主父偃新貴一飢必酬睚眦必報夫侵曹
伐衛解宋免齊戰城濮皆有狐趙之謀文之略若如
所言則皆莽也且夫曹衛楚之黨也齊宋楚之仇也
自欲與敵反爾豈復憶疇昔周旋哉當與蔡姬蕩舟
事並從洗濯為二伯開生面也

野編

二十有五年春王正月丙午衛侯燬滅邢

邢衛均有狄患均受齊桓之德遷而城之二國就安

則比以抗狄可也邢乃畔衛從狄又脅狄以伐衛故
衛滅邢所以奪狄之援紓國之病也自十八年以至
于今書邢衛之事甚詳所以著邢不當附狄伐衛衛
亦不當從而遂滅之

木訥

燬之名滅同姓也三傳云然

朱子曰諸侯滅國未嘗書名經文只隔夏四月癸酉
一句便書衛侯燬卒恐是因而傳寫之誤朱子舉不

信三傳也

野編

夏四月癸酉衛侯燬卒

文公卒子
成公鄭立

宋蕩伯姬來逆婦

宋殺其大夫

史佚其名也

野編

秋楚人圍陳納頓子于頓

圍陳為納頓子也頓在宛葉之間蓋中夏也是蕪國

多矣于頓何有以風示諸夏爾

野編

莖衛文公

冬十有二月癸亥公會衛子莖慶盟于洮

魯地

衛成公稱子喪未逾年也莒慶莒大夫也以其釋鄆之怨特書嘉之也

蘇氏

二十有六年春王正月己未公會莒子衛甯速盟于向

莒地速公

羊作邀

尋洮之盟也

左

齊人侵我西鄙公追齊師至鄆不及

齊地鄆公穀作
駕不公穀作弗

討洮向二盟故

孔義

夏齊人侵我北鄙

我自盟莒衛何與齊事而以為討齊甚矣二鄙受侵

師未及國

孔義

衛人伐齊

為我故伐齊不為無與

野編

公子遂如楚乞師

書乞師
始此

展禽致辭而北鄙之師立退矣僖公不能用賢圖治

而乞師蠻夷何為乎

孔義

何遽即楚莫恥于乞也

野編

定

四年蔡侯以吳子及楚人戰于柏舉不言乞師桓十

四年宋人以齊人蔡人衛人陳人伐鄭不言乞師而此獨言乞師者東門襄仲臧文仲撫蠻人以殘中國特書乞師以甚其惡

秋楚子滅夔以夔子歸

夔公作隗楚同姓之國

冬楚人伐宋圍緡

緡閭作

宋成公忘父仇而往朝楚今新即晉故楚伐之

孔義

公以楚師伐齊取穀

公至自伐齊

一僖公也先任公子友而智晚任公子遂而愚其始

也從齊伐楚其終也以楚伐齊

傳斷

二十有七年春杞子來朝

成公弟桓公也

孔義

夏六月庚寅齊侯昭卒

孝公卒子昭公潘立

秋八月乙未葬齊孝公

三月而葬連

乙巳公子遂帥師入杞

強則卑杞卑邾弱則事齊事楚人謂僖賢魯猶秉周

禮吾不信也

野編

冬楚人陳侯蔡侯鄭伯許男圍宋

楚人爭伯魯與曹衛陳蔡鄭許皆從宋懷父仇弗南
服楚遂合諸侯圍宋然獨陳蔡鄭許者楚道所由且
留曹衛以遏晉留魯以遏齊其困宋云狡矣穀梁子
曰人楚子所以人諸侯然曷不人諸侯惟曰陳侯蔡
侯鄭伯許男實從楚人圍宋則益著傳春秋之法盟
主爵而諸侯人者有矣未有盟主人而諸侯爵者也

人楚子而爵諸侯不與楚子以主夏之盟也

家氏傳

春

秋之於諸侯有因其自尊而尊之自卑而卑之者
北杏曹南之會是也有因其自尊而卑之自卑而
尊之者圍宋之役是也

畧記

十有二月甲戌公會諸侯盟于宋

諸侯皆已為楚矣

野編

二十有八年春晉侯侵曹晉侯伐衛

此晉伯之始兩挈晉侯明文之謫也侵曹一晉侯也

伐衛一晉侯也猛毅迅疾如分身然非是莫可當楚者曹衛何罪匪曹衛之求將以致楚也且背夏即楚獨非罪乎召陵侵蔡亦略相同

野編

公子買戍衛不卒戍刺之

公子買戍衛楚人救衛不克公懼于晉殺子叢以說焉謂楚人曰不卒戍也左刺未有書其故者書其故

言非實也

蘇氏

楚人救衛

晉所求也

野編

三月丙午晉侯入曹執曹伯畀宋人

衛楚所急也曹亦楚所急也救衛則不能兼顧曹而

晉已入之宋人驛兵受賜親我者勸仇我者懼而諸

侯皆已為晉也

野編

分曹衛之田以畀宋者非厚宋也

激楚之怒也私許曹衛之復使絕于楚者非愛曹衛

也致楚之戰也

馬森
辨疑

夏四月己巳晉侯齊師宋師秦師及楚人戰于城濮楚

人敗績

衛地

春秋甚美城濮之戰遂伯矣晉書侯三國書師北杏之法也朱子曰齊桓公死楚侵中國得晉文公攔遏住如橫流泛濫硬做隄防野編晉欲救宋則先伐曹衛欲與楚戰則先激齊秦楚怒益甚晉謀方老子玉徒恃西廣東宮與若敖六卒以戰三大國之師能無敗

乎

傳斷

楚殺其大夫得臣

子玉楚始書大夫

此殺有罪而以累上之詞言之惡楚子也楚子知其
不可使也而不能弗使知其不可敵也而不能使之
勿敵是亦棄其師之道也

權衡

簡端錄城濮之敗楚殺子玉於及瑕之時而罪止其
身邲之敗晉殺先穀於及清之後而罪及其族緩急
重輕其孰得失乎禮謀人軍師敗則死之城濮敗而
誅子玉泝水退而誅子上鄢陵戰而誅子反屬國畔

而誅子辛是乃楚所以振爾

郝敬直解

衛侯出奔楚

左氏晉侯齊侯盟于斂孟衛侯請盟晉人弗許衛侯欲與楚國人不欲故出其君以說于晉衛侯出居襄

牛間聞楚師敗懼出奔楚

孔義

五月癸丑公會晉侯齊侯宋公蔡侯鄭伯衛子莒子盟

于踐土

鄭地

衛子者誰叔武也叔武非世子又無君喪而子之何也曰以喪禮處之也晉立以為君書侯則無等也書

名則沒其實故以喪禮處之若以君父奔楚之為哀

痛也

黃道周

陳侯如會

來不及盟故曰如會

孔義

公朝于王所

書朝王始此

盟于踐土奉迎始事前書居于鄭此于踐土何也于鄭猶草次也于踐土新築王宮為王所也先會後朝何也此非常朝共獎王室固當有盟盟則須會也陳

侯書如會何也初與楚伐宋者陳蔡鄭衛今畢會也

獨逋一許爾公朝諸侯皆朝矣此踐土實錄也野書

朝而後盟是以天子與斯盟也書盟而後朝不以天

子與斯盟也孔義臣之于君惟其所在而朝覲焉公穀

乃有非其所之論又有不與致天子之論皆非也補程

傳趙氏曰晉文之伯功與齊桓同而勢與齊桓異齊

桓之時楚不出蔡鄭而今直蹈齊魯之郊故齊桓伐

楚至于召陵楚地也晉文敗楚止于城濮衛地也自

楚及衛蓋千里却楚千里之外以收魯宋曹衛陳鄭
許蔡半天下之諸侯其用力為何如三傳有天王下
勞諸侯之說此不可信經于僖二十四年書天王出
居于鄭自後未嘗書歸于成周踐土即鄭地也則天
王蓋居于是久矣何下勞之有或謂左氏有晉侯納
王之事遂以為實春秋以周為重安有晉侯納王而不
書者哉天王之歸蓋因今踐土之盟也前此鄭陷于
楚天下無勤王者今晉侯克楚于城濮以敵王愾奏

凱于王會諸侯盟于鄭以諸侯朝焉天王因是復歸于成周冬書河陽之狩則天王既歸而出狩也文公非緩于納王也盖先勝楚而後納王也伐楚者納王之實也然則踐土之盟厥勲茂哉

日抄

六月衛侯鄭自楚復歸于衛

鄭之盟殺叔武也叔武何以不見踐土已列衛子矣

野編

衛元咺出奔晉

陳侯款卒

穆公卒子
共公朔立

秋杞伯姬來

公子遂如齊

始平于齊也張洽曰杞伯姬來而入杞之怨釋公子

遂如齊而取穀之憾解中國貴于伯權之立如此

孔義

冬公會晉侯齊侯宋公蔡侯鄭伯陳子莒子邾子秦人

于溫

畿內地穀晉侯下無齊
侯秦與中國會始此

此書會在天王狩于河陽之上則知天王將出狩諸

金史卷之四十五
卷五
侯會以朝之所以尊王也且議討衛所以服有罪也

湛若水

正傳

天王狩于河陽

狩穀作
守即溫

壬申公朝于王所

晉人執衛侯歸之于京師

諸侯之會在溫天王之狩在河陽諸侯既會而復以
壬申朝于王所其事不過如此若王室微諸侯強天
王因出狩而就見其迹亦曉然可知也

日會于溫逐

狄也狄整居于溫懲荆而不膺狄京師未得歸也故
乘城濮之勝大會于溫為王前驅則何以不言狄也
比至已無狄矣是溫而已矣天王何以狩也溫子叛
王即狄狄又攻王而奉太叔三叛聚慝將東行以厭
之河陽溫也于河陽大之也壬申稱王所猶行在也
執衛侯乃書京師王歸自鄭矣奉迎事竟此于溫實
錄也召陵之功高于城濮于溫之事大于救邢好處
却被後人說壞

野編

黃正憲曰晉文藉齊秦以勝楚又

欲糾齊秦以納王故三國在從諸國渡河西北合之
耳但襄王出奔五載回鑾之際防範當嚴况顏叔之黨
盡在溫雒間尤不可不備晉文乃命諸侯各整師徒
為扈衛從行之計先于河陽簡集訓練振刷人心請
天王大閱以整武備如宣王會東都蒐狩講武故事
聖人有嘉予之意焉而可泥左氏之說以没人善乎

辨義

衛元咺自晉復歸于衛

多此一歸累公子瑕矣

野編

歸大夫不言復言復者抗

也自晉晉有奉焉

孔義

熊過曰惠王復周公忌父鄭復公

父定朔宋復蕩意諸不書必據外援以歸然後書其

曰自晉譏在晉也君歸則出奔而歸晉君出則晉奉

而歸衛陳君舉曰衛元咺復歸宋魚石晉欒盈復入

皆抗辭也

辨義

諸侯遂圍許

討不會踐土也

野編

曹伯襄歸于曹遂會諸侯圍許

遂會諸侯圍許如未嘗執然用見伯者之有度也衛
不殺叔武亦當復矣左氏謂二君之命縣于巫史豈

不誣哉

野編

二十有九年春介葛盧來

東夷國

介國也不言朝公在會也

公至自圍許

圍者未下也三十有三年晉人陳人鄭人伐許

野編

夏六月會王人晉人宋人齊人陳人蔡人秦人盟于翟

泉

公作公會翟公作
狄雒陽城內地

翟泉近王都之地王子虎於此下與列國盟是謂上

替諸侯大夫入天子之境上盟王子虎是謂下陵故

諱公不書諸侯之卿稱人而王子亦與焉孔義會者既

非諸侯不書人而何書

日抄

秋大雨雹

冬介葛盧來

以未見公故復來朝

孔義

三十年春王正月

夏狄侵齊

狄間晉之有鄭虞而侵齊齊桓之伯狄伐晉而齊不救者憾晉之不從今晉文之伯狄侵齊齊已從晉何

辭而不救

木訥

秋衛殺其大夫元咺及公子瑕

先元咺而後瑕言事之在咺也

蘇氏

衛事一至于此晉

侯處之未善也必也踐土不列衛子遣歸守國衛當

乞盟鄭伯之于洮是也文視桓差劣謂此類也晉遂

失衛文元年晉侯伐衛

野編

叔武之命奉之以受盟故

稱衛子公子瑕乃元咺立之咺實自柄國權瑕固未

如君春秋亦不與咺君之也瑕因咺而得誅故言及

辨義

春秋執諸侯大夫皆稱人不可謂定晉侯之罪曹

伯襄復國亦稱名不可謂定諸侯之罪諸侯大

夫歸國者多以復書不可謂定元咺之罪瑕實不為

金史卷八十三 卷五
君故稱公子不可謂定瑕之罪

或問

衛侯鄭歸于衛

鄭之初歸也得言復當是時叔武在內鄭雖無國固其國也及其又歸也殺叔武矣執之歸于京師矣殺元咺及公子瑕矣鄭雖得國國非其國也故不言

復

意林

元咺訴君而專立有罪矣而衛侯鄭亦名者竊

意瑕亦嘗立故各書名為別如突忽歟

日抄

晉人秦人圍鄭

討不會翟泉也晉軍函陵秦軍汜南燭武得奮其說以開入滑之漸此晉侯也春秋人之未能服鄭又生一秦齊桓用夷皆使從別道出江黃猶與相見徐稍

大併會盟不與

野編

介人侵蕭

蕭附于宋介附于魯

木訥

冬天王使宰周公來聘

冢宰蒯三公下聘蓋非常之禮莫大之寵或以僖有

兩朝王所之勤而報之歟

孔義

王之卿士何以或公之

或子之兼三公者曰公不兼者曰子劉卷卒何以稱

公外既僭矣內何以不僭正外者自內始

簡端錄

公子遂如京師遂如晉

聘周之始聘晉之始

以其如京師不敢不如晉是夷周于晉也

陳傳良

魯以

宰周公之來本乎晉侯故既已聘周不可不如晉是

聘使之勤出于周而勞問之恩歸于晉也然自隱至

莊天王聘魯者五卒無一介之使如周則今日公子

遂之行已為非常之禮尚何責其遂如晉耶

木訥

三十有一年春取濟西田

曷為不言取曹濟西田晉人執曹伯而以其田分諸

侯非吾取之曹也

蘇氏

公子遂如晉

拜曹田也

夏四月四卜郊不從乃免牲猶三望

三望泰山河海

公羊

四月非時也四卜非禮也望郊之

細也不郊亦無望可也

蘇氏

秋七月

冬杞伯姬來求婦

狄圍衛

十有二月衛遷于帝丘

濮陽于
穀作於

文之狄與桓異自溫而後天子不能有溫以賜晉侯
傳謂晉侯作三行以禦狄故前年侵齊今年圍衛晉
不能問也衛遷于帝丘無復楚丘之功矣其後乃為

箕之役交剛之役白狄赤狄甲氏潞氏漸次驅除迄

于三晉始徙居代邇中國遂無狄也

野編

衛益遷而南

也帝丘顓頊之故地去楚丘又二百里

日抄

衛為狄滅

遷楚丘今三十餘年狄又滅之重耳為方伯亡其同

姓而不問愧小白多矣故楚丘遷書城帝丘遷書衛

無預于晉與諸侯之辭也

郝解

邢遷繼救邢而書衛遷

繼圍衛而書救邢而邢遷予桓公之存邢也圍衛而

衛遷譏晉文之置衛於不問也

畧記

三十有二年春王正月

夏四月己丑鄭伯捷卒

衛人侵狄

狄衛人及狄盟

明年晉又敗狄于箕自是衛無狄患者十年

日抄

冬十有二月己卯晉侯重耳卒

子襄公
驪立

起城濮至卒凡五年此晉文公之伯也

野編

黃震曰惟齊桓晉文可以言伯宋襄狂妄戕中國而

結戎狄伯之反也秦穆楚莊以戎狄而脅中國伯之
變也皆不可言伯也伯惟齊晉安有五哉 李琪曰
桓文雖並稱而文非桓匹也桓公得江黃而不用於
伐楚文公則謂非致秦則不可與楚戰楚抑而秦興
矣此桓之所不肯為也桓公會則不遇三川盟則不
列王人文公會畿內則抗矣盟子虎則悖矣此桓之
所不欲為也桓公寧不得鄭不納子華盟則三綱五
常于是不廢矣文公為元咺執衛侯其獎臣抑君不

可以訓此桓文之所以相遠也

辨義

齊侯使國歸父來聘

報公子遂之聘

孔義在二十八年

夏四月辛巳晉人及姜戎敗秦師于殽

公無師字

先師王貫道嘗云釁自秦啟曲不在晉使襄公懷先

世之恩及拘尋常則晉不可繼伯而秦橫矣

日抄

癸巳葬晉文公

狄侵齊

因晉喪也

孔義

公伐邾取訾婁

秋公子遂帥師伐邾

升陞之役魯固怨邾然君取其邑臣伐其國報亦甚

矣

日抄

晉人敗狄于箕

狄自伐邢之後至是垂四十年矣諸侯無小大皆受其毒不敢以一矢加之前年衛不忍其虐而侵之狄

屈而求盟焉今又侵齊齊不能討伐晉晉敗之故其
後屢侵齊而不敢犯晉則知制戎狄果不可以示怯

也

木訥

冬十月公如齊

宰周公下聘而不入覲國歸父來聘而往朝比事而

觀魯之無王甚矣

孔義

十有二月公至自齊

乙巳公薨于小寢

即安也

左

趙鵬飛曰僖公中材庸主也天下有伯主則僖有以自固中國無伯主則僖無以自立是知僖之為中主也

隕霜不殺草李梅實

隕公作實

哀公問于仲尼曰春秋記隕霜不殺草何為記之也曰此言可殺也夫宜殺而不殺則李梅冬實天失其道草木猶干犯之而况君乎

胡傳

晉人陳人鄭人伐許

晉文無死今年伐許明年伐衛必也孝子善述人之
事先君之事已之事也書曰若穡夫曷敢不終畝文
不死矣其曰晉人以為猶墨也墨始于穀終于伐衛

野編

春秋平義卷五

欽定四庫全書

經部

春秋平義卷六

詳校官監察御史

臣陳化龍

給事中

臣溫常綬覆勘

總校官原任中允

臣王燕緒

校對官中書

臣葉蘭

謄錄舉人

臣張護

謄錄貢生

臣劉達

欽定四庫全書

春秋平義卷六

秀水俞汝言撰

文公

名興僖公子母聲姜夫人出姜在位十八年諡法慈惠愛民曰文

元年春王正月公即位

二月癸亥日有食之

公有朔字推厯當為三月癸亥朔闕朔字

天王使叔服來會葬

夏四月丁巳葬我君僖公

七月而葬

天王使毛伯來錫公命

晉侯伐衛

既祥矣乃書晉侯成襄之伯也

野編

叔孫得臣如京師

拜錫命也

衛人伐晉

秋公孫敖會晉侯于戚

此內大夫會諸侯之始

戚衛邑也會于戚衛吾溫原爾不以衛人抗晉侯也

野編

木訥曰孟氏自教而專叔孫氏自得臣彭生而橫季
孫氏自行父而侈前乎此大夫出會者皆君命至此
而始專

冬十月丁未楚世子商臣弑其君頹

公穀作髡成
卒商臣立

稱世子明其親也稱君明其尊也商臣之於尊親盡

矣

蘇氏

公孫敖如齊

穆伯

二年春王二月甲子晉侯及秦師戰于彭衙秦師敗績

秦地

凡言及者主是戰者也敗而書及惡之也宋之泓晉之韓是也勝而書及予之也宋之甌晉之城濮及彭衙是也春秋甚美彭衙之戰晉書侯秦書師亦北杏法也秦穆身橫雕戈過周北門窺鄭北門視晉襄小子侯爾一挫于殽而為拜賜之師曰必無晉矣使勝在秦黼黻之賜豈待顯王之世哉幸而勝在晉秦不復東襄之戰十數却秦為大此襄之得與于伯也

野編

丁丑作僖公主

作主不書以躋僖公書二月丁丑作八月丁卯躋蓋

改作也

野編

二月己巳及晉處父盟

因朝而盟始此

言及則公可知矣言處父則陽氏可知矣不言地而

言晉則于晉越國可知矣

正傳

夏六月公孫敖會宋公陳侯鄭伯晉士穀盟于垂隴

公穀

作垂斂

鄭地

謀衛也於是衛執孔達以說于晉

蘇氏

桓文沒大夫擅

諸侯會盟自公孫敖士穀始也

大熊氏

過曰垂隴何為

為伐秦也左氏誤以為伐衛衛不書而冬伐秦者正

垂隴之大夫也

辨義

自十有二月不雨至于秋七月

歷時而言不雨不憂雨也不憂雨者無志乎民也

梁穀

于書雨見春秋之文非一手也故僖公異詞

野編

八月丁卯大事於太廟躋僖公

禮父子異昭穆兄弟同昭穆故閔僖不得為父子同
為穆爾今升僖先閔二公位次之逆非昭穆亂也

王樵

輯傳

冬晉人宋人陳人鄭人伐秦

公子遂如齊納幣

三年春王正月叔孫得臣會晉人宋人陳人衛人鄭人

伐沈沈潰

伯國大夫會諸大夫伐國自此始

力分于秦故不競于楚

野編

伯國大夫會諸大夫伐國

自伐沈始會諸大夫救患自救鄭始春秋皆人之不
與大夫之專政也

王氏

夏五月王子虎卒

天子之大夫何以卒或曰為其嘗執重以守也或曰
為其嘗臨諸侯之盟也

劉敞傳

秦人伐晉

此所謂焚舟之役封穀尸而還者也自是不復東征
誓言終能踐矣

秋楚人圍江

報沈之役也

孔義

雨螽于宋

異在一國而大者為天下記之

野編

冬公如晉

此書公如晉之始

十有二月己巳公及晉侯盟

晉人懼其無禮于公也故請改盟雖親盟于其國猶

可書也

蘇氏

晉陽處父帥師伐楚以救江

公穀無以字晉大夫書帥師于是始

伐楚而圍江之師解此所謂救江也

蘇氏

四年春公至自晉

不朝正于廟于是始

夏逆婦姜于齊

出姜

其不稱夫人何也為其不以夫人逆也夫納幣有公子遂而逆無其人則卿不行也當時有成風焉適可謂姑逆婦爾君逆夫人不如是也禮中焉已矣桓莊之過禮文之不及禮皆亂之本直書其事用見出姜

之不允于魯有由然也

野編

狄侵齊

間晉有秦楚之難也

日抄

秋楚人滅江

晉侯伐秦

春秋書楚人滅江晉侯伐秦責其當救而不救不當

伐而伐也

家氏傳

衛侯使甯俞來聘

蓋成公見執僖公為請今來拜僖公之賜也

孔義

冬十有一月壬寅夫人風氏薨

僖公母

妾母稱夫人自文公喪成風始仲子始僭尚未敢同

嫡也

孔義

五年春王正月王使榮叔歸含且賵

止書王者闕文

木訥

三月辛亥葬我小君成風

仲子之宮為數特異蓋不祔于姑猶有辨焉至是有

二夫人祔廟矣自成風始也

孔義

王使召伯來會葬

穀作毛伯

聖人立言取諸大義或曰王或曰天王無異同也在
此則王不稱天而召伯稱爵豈其罪在王不在伯與
在彼則王稱天而宰咺稱名豈其罪在宰不在王與
且狩於河陽使毛伯來錫命使家父來求車而皆稱
天王又毛伯以爵家父以字抑又何歟故知春秋之
大旨固自有在非惟不繫乎王之天與不天而或書

名或書字亦非必有意於其間也

正旨

夏公孫敖如晉

秦人入郿

秋楚人滅六

冬十月甲申許男業卒

子昭公
錫我立

許男終身事楚晉文公圍之而不服晉襄公伐之而

不率者也

日抄

六年春莖許僖公

夏季孫行父如陳

季友孫

臧文仲以陳衛方睦故行父且娶焉

季孫行父如晉

文公即位六年朝晉者再貴卿往者再孔義仲氏季孫

爭交于晉三家之張自文公始

日抄

八月乙亥晉侯驩卒

驩公作謹子
靈公夷牟立

起穀之戰至卒凡六年此晉襄公之伯也

野編

冬十月公子遂如晉葬晉襄公

三月而葬速僖公以前葬諸侯未有使大夫者今公
子遂以卿往馴至少姜以妾媵而諸侯使卿會葬矣

孔義

晉殺其大夫陽處父

晉狐射姑出奔狄

射殺
作夜

晉殺其大夫陽處父不書晉人晉狐射姑出奔狄射

姑其人也書人則射姑沒不見狐趙共晉射姑替而

盾立狐氏出趙氏專矣此晉國之故也不容不見

野編

閏月不告月猶朝于廟

是歲秦穆公卒

猶朝于廟幸其不已之辭

胡傳

七年春公伐邾

三月甲戌取須句遂城郕

句公作胸

每中國無伯我師必出可知晉襄之為伯也

野編

夏四月宋公王臣卒

穀作壬臣成公卒昭公杵臼立

宋人殺其大夫

穆襄之族率國人以攻公殺公孫固公孫鄭于公宮

則稱人謂穆襄之族也此衆殺稱人之例

屬

戊子晉人及秦人戰于令狐晉先蔑奔秦

蔑公作昧奔上有以師字

令狐
秦地

戰于令狐晉背秦也晉先蔑奔秦晉背先蔑也故秦
不書敗蔑不書出罪在盾也夫人太子在而外求君
豈有君臣如此而相安者乎桃園之事延引歲月爾
野晉襄之卒於是暮年豈晉至是始謀立君且左氏
編初言先蔑如秦次言先蔑將下軍蔑既逆雍則必不

肯將兵以拒秦苟已拒秦豈容復奔秦耶秦晉自殺
凡五戰今晉襄秦穆皆即世可以一洗舊憾趙盾乃
修先君之怨以為是戰晉辭為曲蔑不用命而奔敵

矣

木訥

狄侵我西鄙

間秦晉之爭也

孔義

秋八月公會諸侯晉大夫盟于扈

鄭地

會盟同地會所以為盟也今及其盟不得云後會

權衡

羅喻義曰此春秋一大升降也傳曰天下有道禮樂
征伐自天子出此言王也天下無道禮樂征伐自諸
侯出此言伯也天下有道政不在大夫何以謂之無
道無王則無道也何以謂之有道有伯則猶有道也
政在大夫伯亦無之此大亂之極也晉自文以來世
主夏盟其伯與非伯則君大夫分焉政在大夫雖美
如隰林君子不謂伯也于扈之盟謹之諸侯不序大
夫不名 汪氏曰大夫盟不書名氏者三莊九年齊

無君當國大夫自為主也此年趙盾專政若晉無君者然溴梁之會諸侯皆在而十一國大夫自盟但書大夫盟諸侯皆失政矣桓莊以前列國之大夫雖管隰狐趙之勲不見于會盟惟特使而與魯接者則名之以大夫無繫乎天下之故也列國之大夫雖先卻藥胥之烈不見于侵伐惟魯大夫之特將則書之以大夫惟繫乎一國之故也

經

緹魯欲迎公子糾不克

立故莊九年既之盟大夫與而不辱趙盾欲迎公子

雍不克立故扈之盟諸侯畧而不序

辨義

冬徐伐莒公孫敖如莒涖盟

公穀作莒

修僖公洮向之好協謀以備徐也

木訥

是歲中國始無

伯主

日抄

八年春王正月

夏四月

秋八月戊申天王崩

襄王崩于頃王立

冬十月壬午公子遂會晉趙盾盟于衡雍

鄭地

乙酉公子遂會雒戎盟于暴

鄭地公作伊雒戎

大夫專盟自衡雍始

孔義

魯距雒戎甚遠公子遂何為

而與之盟哉其陰為趙盾植黨明耳

補程傳

兩挈公子

遂臣道之甚水洊至月幾望魯其殆哉

野編

王樵曰大

夫之專盟自是始也前此盟翟泉猶有僖公在會也

繼此而有袁婁之盟鷄澤溴梁諸侯皆在而大夫自

盟矣于宋于虢則晉楚之大夫狎主齊盟而諸侯不

復在矣

辨義

公孫敖如京師不至而復丙戌奔莒

公無而字

公子遂如齊至黃乃復書至而後書復今不言至而言復何也遂之如齊也欲至齊而以疾不能敖無至周之意矣故曰不至而已

蘇氏

其奔莒者以去年涖盟

與君有舊耳左氏從已氏之說未可據

補程傳

螽

宋人殺其大夫司馬

公子甲

宋司城來奔

諸葛意

宋襄夫人因戴氏之族以殺襄公之孫孔叔公孫鍾
離及大司馬公子邛皆昭公之黨也則稱人者戴氏
之族大夫司馬者公子邛也宋人將弑昭公而立鮑
則其所殺必患于昭公者故皆不名以別于討亂稱
人者若陳氏謂昭公無道而殺大夫則亦不義其君

失事實矣

屬辭

九年春毛伯來求金

來求止此自是魯雖不共周無求矣

夫人姜氏如齊

文公嬖于敬嬴夫人如齊謀于父母為十八年歸齊

張本

木訥

二月叔孫得臣如京師

莊叔

辛丑葬襄王

前年公子遂如晉葬襄公今年得臣如京師葬襄王

是夷周于晉也至于往會而不登于策不弔不葬而

見略于經抑又甚矣

孔義

趙氏曰襄王使大夫來會僖

公葬賜含成風且令之葬魯亦以公子遂如晉葬襄

公而得臣並葬襄王一則以其來不可不往也一則以其如晉不可不如周也是故叔弓如晉葬平公季孫意如如晉葬昭公而後叔鞅葬景王自是葬天子

魯無使卿者矣

辨義

晉人殺其大夫先都

晉頻有誅殺趙氏除異已也

野編

三月夫人姜氏至自齊

書至正其夫人之體也則不至者其行非禮見矣

孔義

晉人殺其大夫士穀及箕鄭父

楚人伐鄭公子遂會晉人宋人衛人許人救鄭

楚子伐鄭以晉君之少也趙盾率列國之師救鄭而

不及楚師故書人以懲不恪

孔義

夏秋侵齊

狄不侵齊五年矣今復侵以中國無伯也

補程傳

秋八月曹伯襄卒

子文公壽立

九月癸酉地震

前此百餘年未有書地震者而自此至哀公書地震者五陽微陰盛之象也

孔義

冬楚子使椒來聘

椒穀作荻楚君臣始並見經

吳楚皆已自王楚子使椒吳子使札正之俾同于列

國矣

野編

諸家皆謂書楚子書椒以其禮交中國而進

之趙鵬飛曰楚執宋公以伐宋亦書曰楚子豈進其

虐中國耶宜申謀為不道而見殺亦書曰宜申豈進

其謀逆耶書楚子書椒從其國之稱而已

日抄

秦人來歸僖公成風之祫

魯之喪諸侯蓋有來祫者矣而獨書秦始通也

野秦編

人弗夫人之也即外之弗夫人而見正焉

穀梁

秦欲伐

晉而歸祫于魯猶楚欲圖北方而來聘也

張洽

葬曹共公

十年春王三月辛卯臧孫辰卒

文仲

夏秦伐晉

狄之也罪其報復不已

孔義

楚殺其大夫宜申

自正月不雨至于秋七月

及蘇子盟于女栗

經有溫子又有蘇子左氏則以為一人

野編

冬狄侵宋

楚子蔡侯次于厥貉

厥公作屈

將伐宋也宋出迎勞之而免曰次著其包藏禍心欲憑諸侯而未敢遽前也惟蔡侯首附夷狄故表而出

之以均其罪

孔義

屬辭晉靈不君趙盾非伯者之佐不足以主夏盟故春秋于靈之世盟會每略諸侯不叙而楚君得稱爵于是始故次厥貉伐麋以後無役不稱爵而伐鄭伐吳稱爵主兵無異中國之伯者矣蓋中國有伯則春秋略之以正其名中國無伯則春秋詳之以著其實不正其名則不足以信攘却之義不著其實則不足以見戎狄之強

然泓之戰宋公稱爵而楚子稱人不使戎狄之
君得抗中國諸侯也邲之戰楚子稱爵而荀林
父稱氏名見蠻夷侵叛乃中國之所得討也泓
之戰宋公身傷以卒而但書師敗績為中國諱
也鄆陵之戰直書楚子敗績治其罪也然則雖
書君將而與待中國諸侯伯主之法不可同年
而語矣

十有一年春楚子伐麋

公作圍楚
始書君將

麋者何南方之微國也伐麋圍巢禍未及中夏

野編

夏叔仲彭生會晉卻缺于承筐

公穀無仲字筐作匡叔仲惠伯此大夫特相會

之始

謀諸侯之從于楚者必蔡也十五年伐蔡入之

野編

秋曹伯來朝

自此曹從魯矣

孔義

公子遂如宋

狄侵齊

冬十月甲午叔孫得臣敗狄于鹹

魯地

狄八年之間三侵齊而侵魯宋者一得臣出其不虞而敗之自是有懼心惟十三年一侵衛不敢窺齊魯之藩籬則鹹之役不惟有功于魯且有功於天下也

木訥

十有二年春王正月邾伯來奔

邾公作戚

莊八年邾降于齊自是入齊為附庸此而來奔齊所

逼爾

孫氏

紀侯州公邾伯皆所不名也

野編

杞伯來朝

二月庚子子叔姬卒

時君之女故曰子以別非先君之女也

趙氏

夏楚人圍巢

巢吳楚間小國也

孔義

秋滕子來朝

秦伯使術來聘

術公作遂秦君臣始並見

且言將伐晉

孔義

冬十有二月戊午晉人秦人戰于河曲

晉德如秦莫能相尚其靈公與盾之世乎

野編

自穀至

此凡六交兵秦晉亟戰而楚伯矣晉主夏盟而君幼國偷軍謀不一其始見于河曲之戰其甚見于邲之

敗盖一轍也

辨義

季孫行父帥師城諸及鄆

公作運

前此莒未嘗與魯爭今行父帥師城二邑以啟爭端

魯自此與莒為仇而爭由鄆始

張洽

先師王貫道曰二

邑近費而介于莒他年宿伐莒取鄆叔弓疆其田費

于是始大然則此行父自為封殖之計也

日此魯東抄

鄆成四年城鄆乃西鄆也

孔義

十有三年春王正月

夏五月壬午陳侯朔卒

其公卒子靈公平國立

邾子蘧蒢卒

文公卒子定公獲且立

自正月不雨至于秋七月

大室屋壞

大公羊作世

大室魯公之廟也

野編

冬公如晉衛侯會公于沓

下公字
公羊無

公一出而平衛鄭於晉明年遂為新城之盟晉以復伯終文公之世楚不敢復侵中國不為無助於晉矣

孔義

狄侵衛

十有二月己丑公及晉侯盟公還自晉鄭伯會公于棐

公作斐穀作還
無公字鄭地

自晉襄沒而諸侯不復合矣楚人見中國無伯乃伐
棠圍之其勢漸逼衛鄭衛鄭二國欲從伯主盖由公
將如晉故衛侯合于盩公還鄭伯會于棐盖以魯為
我國從違之計于是明年有新城之盟終文公之世
楚不復侵諸侯兩會之力也

辨義

十有四年春王正月公至自晉

春頃王崩子匡王立于
是再不朝正于王矣

文公即位十有四年而朝晉者三過於事天子之禮

補程
傳

邾人伐我南鄙叔彭生帥師伐邾

夏五月乙亥齊侯潘卒

昭公辛
子舍立

六月公會宋公陳侯衛侯鄭伯許男曹伯晉趙盾癸酉

同盟于新城

宋地

同外楚也從於楚者服扈之會止書公會諸侯晉大夫今新城之盟列叙諸侯明書晉趙盾者崔氏曰新城之盟出于諸侯而扈之盟晉大夫主會也

秋七月有星孛入于北斗

公至自會

晉人納捷菑于邾弗克納

捷公作接

盾為義也捷菑晉出也獲且齊出也獲且也長乃去之盾不辦為此令狐之役晉實媿秦其以捷菑為公子雍矣曰義弗克也何害

野編

九月甲申公孫敖卒于齊

公孫敖不卒者也齊人荀將而來叔姬不卒者也杞

伯親逆而去不容不卒

野編

奔大夫不言卒者許其復

也

義孔

齊公子商人弑其君舍

商人弑舍自立是為懿公

未踰年而曰君者成舍之為君所以重商人之弑也

義孔

宋子哀來奔

宋高哀為蕭封人以為卿不義宋公而出遂來奔書

曰子哀貴之也

義孔

宋人將弑昭公而殺其司馬故司

城子哀皆奔奔非無與于君故一書其官一書其字

焉不名蓋自元咺至後大夫益專政出入必書關於天下之政自僖以前外大夫無以出奔書者政不在

大夫也

屬辭

冬單伯如齊齊人執單伯

齊人執子叔姬

單伯者何天子之卿也子叔姬者何昭之妃舍之母也單伯何以如齊魯人請之將以王寵求昭姬焉齊人何以執單伯負人者媿人又何以執子叔姬執猶

瘡于弑也

野編

書齊人執單伯書齊人執子叔姬兩書

齊人者正不欲以姬與單伯而嫌于淫也此當從左

氏而公穀所傳殆齊人誣而執之之詞焉

黃震

吳氏以

為魯文之女初嫁于舍而使之過者也以春秋之書

子叔姬而知商人甘心辱之盖怒魯以女為舍之援

也

探微

十有五年春季孫行父如晉

為單伯與子叔姬故也

孔義

三月宋司馬華孫來盟

春秋以弑君書者二十四未有上通君祖母下結六
卿公族以及國人盡殺大夫之忠于君者而使其黨
為卿以卒成其篡弑如公子鮑者亦未有以世適嗣
孫外會諸侯內奉宗廟前亂臣而後賊子徒擁虛器
十年而坐受篡奪如宋昭公者是故昭公之大夫皆
書其官不書其官則見殺而不名者嫌于曹大夫矣
奔而不名者嫌于反國之蔡季來盟不稱使且不名

者嫌于齊無知矣夫公子鮑之弑機動于昭公未即位之前而卒成于十年之久使非有貴戚强家囊橐其間則鮑雖姦襄夫人雖惡昭公安能拱手就戮于一婦人耶則宋人殺其大夫司馬而使華孫代之且來盟然後弑其君則知身為世卿外結援隣國內假手于襄夫人以成鮑之篡者華氏之族也華元代公子成為右師此蓋鮑與夫人所位置者而昭公豈能用之于是華耦來盟于魯既而晉衛陳鄭伐宋討弑

君者而魯不與晉人受賂立文公而還華元卒相宋
公皆華氏之始謀也夫子于此特書其官學者不能
深考而宋昭無道見弑之說至今稱于口而筆于書
未有辨其誣者然則春秋特筆之義其可不明乎

屬辭

夏曹伯來朝

齊人歸公孫敖之喪

敖之卒與喪歸於法不得書以文伯惠叔二子之哀

誠無已以敖著教也

孔義

六月辛丑朔日有食之鼓用牲于社

單伯至自齊

齊侯以晉故許單伯請單伯過魯致命而歸周喜而

致之也

蘇氏

晉卻缺帥師伐蔡戊申入蔡

厥貉從楚新城不會晉

野編

蔡自獻舞入楚至晉文敗

楚而後來歸晉文後復從楚者十五年蔡無以自立

故也

日抄

秋齊人侵我西鄙

季孫行父如晉

復為齊故也

蘇氏

冬十有一月諸侯盟于扈

謀伐齊也晉侯得賂而還於是公以齊難不會書曰諸侯盟于扈無能為也

孔義

諸侯者新城之諸侯也而

魯晉不與焉蓋季孫行父求晉謀齊因約諸侯聽命于扈而趙盾視如尋常恬不為意故晉人不出行父

竟歸而諸侯待晉不至則自相要語以尋新城之盟而退耳故曰諸侯不序無伯之辭也

十有二月齊人來歸子叔姬

不言齊子叔姬來歸而曰齊人來歸子叔姬言叔姬無罪而齊人絕之也

蘇氏

齊侯侵我西鄙遂伐曹入其郭

齊侯謂諸侯無能為也故復侵魯遂伐曹討其朝于

魯也

蘇氏

十有六年春季孫行父會齊侯于陽穀齊侯弗及盟

齊地

齊以公不往而不盟也

孔義

夏五月公四不視朔

公有疾也自是公無疾不視朔也

公羊傳

六月戊辰公子遂及齊侯盟于鄆丘

公作犀丘穀作師丘齊地

惟遂可盟商人從其類也

野編

秋八月辛未夫人姜氏薨

僖公夫人文公母聲姜也

毀泉臺

楚人秦人巴人滅庸

冬十有一月宋人弑其君杵臼

杵公作處昭公弑弟文公鮑立

宋昭不能于其大夫國人襄夫人亦惡之公田孟諸

夫人使帥甸攻而殺之

蘇氏

宋人者何不知何人也

野編

十有七年春晉人衛人陳人鄭人伐宋

諸大夫伐宋卒立鮑而還安在其為討罪哉成宋之

亂而已

木訥

夏四月癸亥葬我小君聲姜

聲公作聖

不稱僖姜而別為諡非也九月而塋慢也

孔義

齊人伐我西鄙

六月癸未公及齊侯盟于穀

諸侯會于扈

平宋也書曰諸侯無功也公以齊難不與會

孔義

文十

五年書諸侯盟于扈至是書諸侯會于扈始也魯文

公後至晉侯取賂于齊無功而還故春秋略之不列

序諸侯今扈之會文公不與諸侯成宋之亂而不能

討其罪故春秋復略之

戴溪

秋公至自穀

言至自穀則不會扈可知也

孔義

十有八年春王二月丁丑公薨于臺下

臺下非正也

穀梁

秦伯罃卒

康公卒子共公立

夏五月戊戌齊人弑其君商人

懿公弑兄惠公元立

弑商人者邠歆閭職也而曰齊人人所同欲也而曰

弑何也罪齊人也齊人黨商人而弑舍者也故不從
蔡申之例以盜殺書而曰齊人不從州吁無知之例
以討賊書而曰弑

孔義

六月癸酉葬我君文公

秋公子遂叔孫得臣如齊

遂賀齊惠公立得臣會葬懿公累數之者偕行也非

相伯介也

蘇氏

冬十月子卒

子惡也不曰弑也不忍言也

孔義

夫人姜氏歸于齊

上書大夫並使下書夫人歸齊中曰子卒故春秋屬

辭比事而自見也

孔義

季孫行父如齊

遂得臣行父三人皆與謀以其前後如齊而知之也

沙隨程氏

惡實齊之甥恐齊人聽夫人之訴而來討於是

議納賂而請平焉

高氏集註

襄三十一年書秋九月癸巳

子野卒此書冬十月子卒曷月冬十月也曷日秘不可知則有故也莊元年春三月夫人孫于齊閏二年書九月夫人姜氏孫于邾此書夫人姜氏歸于齊子卒而歸非孫也伊可哀也季孫行父何以如齊魯之重在季須煩一往也他日季孫曰使我殺適立庶者仲也夫微此供吐亦知當爾予所以欲行白本也問子般卒何以日子卒何以不日曰子般戕於黨氏人所知也子赤傷于宮中則不日以見此書法之精

也

野編

呂弒其君庶其

義與薛比晉州蒲同

野編

春秋平義卷六